

**Uunga siunnersuut: Tapersiissutitalimmik inissialiortiternermut  
taarsigassarsititsisarneq pillugu Inatsisartut inatsisaata allanngortinnissaa pillugu  
Inatsisartut inatsisaat  
(Atuisarnerup erseqqissaaffigenera)**

*Ineqarnermut Attaveqaasersuutinullu Naalakkersuisumit saqqummiunneqartoq*

**pillugu**

**Sanaartornermut Ataatsimiititaliap**

**siunnersuutip aappassaaneerreqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Juliane Enoksen, Inuit Ataqtigiit, siulittaasoq  
Inatsisartunut ilaasortaq Jens Napâtôk', Naleraq, siulittaasup tullia  
Inatsisartunut ilaasortaq Adam Kristensen, Inuit Ataqtigiit  
Inatsisartunut ilaasortaq Jens Kristian Therkelsen, Siumut  
Inatsisartunut ilaasortaq Lars Poulsen, Siumut

Ataatsimiititaliap UKA2024-mi 17. oktober siullermeerinninnerup kingorna siunnersuut misissuataarpaa.

**Siunnersuutip imarisaa siunertaalu**

Siunnersuut ineqarnermik iluarsaaqqinnerup piviusunngortinneqarnerata immikkoortuisa ilagaat nalunaarusiamillu *Ineqarnermut suliassaqarfimmi aningaasalersueriaatsinik nalilersuineq*-mit kaammattuutinit aallaaveqarluni.

Inatsisiliorneq pingaarnertut siunertarineqartut atorneqarpoq, kommunimilli nakkutilliineq tunngavigalugu takuneqarsinnaasimalluni inissiaqartoq pisortanit taarsigassarsilluni aningaasalersorneqarsimasunik najukkatut atorneqaratik siunertanut allanut atorneqartunik. Pisortanit taarsigassarsilluni inissialiit taamaallaat najugaqarfittut atorneqarsinnaanerata erseqqissarneqarneranik siunnersuut imaqarpoq.

**Siunnersuutip Inatsisartuni siullermeerneqarnera**

Immikkoortoq matumani pineqartoq amerlanerussuteqartunit tapersernejarpog, innuttaasut inissiaqarnikkut imminnut pilersorsinnaanissaat pingaaruteqarmat.

Siunnersuutip siullermeerneqarnerani inissiat inoqarfinni mikinerusuni ”inuussutissarsiutinut mikinerusunut” atorneqaqqusaannginnerat pissusissamisoornersog oqallisineqarpoq.

Siunnersuut partiinit amerlanernit ataatsimiititaliamut suliarineqartussanngortinneqarpoq.

**Tusarniaanermi akissutit**

Inatsisissatut siunnersuut piffissami 2024-mi 16. augustimiit 13. septemberimut tusarniaatigineqarsimasog, Naalakkersuisullu tusarniaavigineqarsimasut siunnersuummut oqaaseqaataat tiguneqarsimasut issuarsimavaat taakkunungalu oqaatigiumasatik ilanngussimallugit. Naalakkersuisut tusarniaanermi akissutit tunngavigalugit inatsisissatut siunnersuummut allanngutissanik siunnersuuteqanngillat. Tusarniaanermi akissutini allanngutissatut siunnersuut nalinginnaasumik ilassilluarneqarpoq.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup tusarniaanermut akissuteqaamminni oqaatigaat Airbnb-p inuussutissarsiornermi ingerlatamut aalajangersimasumut taaguutaaneramik oqarnej isumaqatiginagu, taamaallaat sulingiffeqarnermut atatillugu inissiamik attartortitsisarnej imaluunniit ilaannikkooriarluni ineqqam ik attartortitsineq pineqartillugit.

Naalakkersuisut tamatumunnga akissuteqarlutik oqaatigaat allanngutissatut siunnersuutikkut tapersiissutitalimmik inissialiortiternermut taarsigassarsilluni inissiat taamaallaat ineqarfittut, piginnittumut taassumalu inoqutaanut immaqalu aamma attartortumut taassumalu inoqutaanut aalajangersimasumik najugaqarfittut atorneqarsinnaanerit erseqqissarneqarmat.

Inatsiseqartitsinermit atuuttumi inissiamit ”inuussutissarsiutinik iluanaarnannginnerusunik”<sup>1</sup> ingerlatsisoqarsinnaavoq, inissiaq annerusumik ineqarfittut aalajangersimasumillu najugaqarfittut atorneqartillugu. Airbnb ineqarfiit aalajangersimasumillu najugaqarfiit avataanniippoq.

Tapersiissutitalimmik inissialiortiternermut taarsigassarsilluni inissiat, ”inuussutissarsiutinut mikinerusunut” atorneqaratik, annerusumik Kalaallit Nunaanni inissianik pilersuinermit ilaallutillu atorneqarnissaat qularnaarniarlugu, erseqqissaanikkut malittarisassat atuuttut sukaternejartut nalilernejarpog.

**Naalakkersuisunut allakkatigut apeqqutit**

Ataatsimiititaliaq siunnersuutip ataatsimiititaliami suliarineqarneranut atatillugu fremsendt immikkoortunut 43, 44, 45 aamma 46-mut ataatsimut Ineqarnermut Attaveqaasersuutinullu Naalakkersuisumut apeqquteqarpoq. Ataatsimiititaliap apeqqutai Naalakkersuisullu akissuteqaataat isumaliutissiissummut ilanngussatut 1-itut ilanngunneqarput.

---

<sup>1</sup> Inatsimmi atuuttumi § 28, 5)

**Ataatsimiititaliap siunnersuummik suliarinninnera**

Ataatsimiititaliap maluginiarpaapapersiissutitalimmik inissialiortiternermut taarsigassarsilluni inissianit "inuussutissarsiummik mikinerusumik" ingerlatsisoqarsinnaanersoq pillugu eqeersimaartumik oqallittoqartoq. Tamanna partiinit assigiinngitsunit assigiinngitsumik isumaqarfigineqarpoq.

Partiit ilaat isumaqarput papersiissutitalimmik inissialiortiternermut taarsigassarsilluni inissianit "inuussutissarsiutit mikinerusut" kisimik ingerlanneqarsinnaanerat killeqarpallaartoq.

Ataatsimiititaliap maluginiarpaattaaq oqallinneq siunnersuutip ineqarnermik iluarsaaqqinnermut ilaananit sunnerneqarsimasoq, taamaattumillu aamma oqallinnermut atatillugu ineqarnermik iluarsaaqqinnermut atatillugu allannguutissatut siunnersuutini allani ajornartorsiutaasinnaasut tikinneqallattaarlutik.

Ataatsimiititaliap Ineqarnermut Attaveqaasersuutinullu Naalakkersuisumik ataatsimeeqateqarnermini papersiissutitalimmik inissialiortiternermut taarsigassarsiat eqqarsaatigalugit atortussanik tigusaqarpoq (ilanngussaq 2), paasineqarsimammat pisortanit taarsigassarsilluni inissiat ilaat najugaqarfittut atorineqaratik siunertanut allanut atorineqartut. Tamanna Naalakkersuisut allanngortikkusuppaat inatsisip erseqqissarneqarneratigut. Naalakkersuisut siunertaraat papersiissutitalimmik inissialiortiternermut taarsigassarsilluni inissiat najugaqarfittuinnaq atorineqassasut taamalu innuttaasut inissianik pilersorneqarnerannut atorineqarlutik.

Inatsisissatut siunnersuummut nalinginaasumik nassuiaatini oqaatigineqarpoq pisortanit taarsigassarsilluni inissiaqarpat inuussutissarsiummut atatillugu atorineqartumik, taava taarsigassarsiat akiligassanngortinneqassasut.

**Siunnersuutip aningaasatigut allaffissornikkullu kingunerisassai**

Siunnersuutip piviusunngortinneqarnerata aningaasatigut kjngunerisassai siunnersuummut nalinginnaasumik nassuiaatini allaaserineqarsimapput. Tassani nalilerneqarpoq siunnersuut pisortanut innuttaasunullu pingaarutilinnik allaffissornikkulluunniit kinguneqassanngitsoq, soorlu aamma siunnersuut avatangiisinut, pinngortitamut innuttaasullu peqqissusiannut kinguneqassanngitsoq.


Siunnersuut inuussutissarsiutigalugu suliffeqarfinnut papersiissutitalimmik inissialiortiternermut taarsigassarsilluni inissianit ingerlanneqartunut taarsigassarsisitsinikkullu siunertarineqartoq malillugu atorineqanngitsunut aningaasatigut allaffissornikkullu kinguneqarsinnaavoq. Suliffeqarfiit pineqartut inissiamit anisariaqassapput,

imaluunniit tapersiissutitalimmik inissialiortiternermut taarsigassarsiat pisortanut utertittariaqassallutik.

**Ataatsimiititaliap inassuteqaatai**


- Ataatsimiititaliami amerlanerussuteqartut Inuit Ataqatigiit Siumullu ilaasortaatitaasa siunnersuutip akuerineqarnissaa inassutigaat

Taamatut oqaaseqaateqarluni isumaliutissiissumilu oqaatigineqartutut paasinnilluni ataatsimiititaliap siunnersuut aappassaaniigassanngortippaa.



---

Juliane Enoksen  
Siulittaasoq




---

Jens Napätök  
Siulittaasup tullia




---

Adam Kristensen



---

Jens Kristian Therkelsen



---

Lars Poulsen